

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 31. st. (1) i (2) i člana 38. Zakona o izvršavanju Budžeta Federacije Bosne i Hercegovine za 2024. godinu ("Službene novine Federacije BiH", broj 07/24) i Odluke Vlade Federacije BiH o usvajanju Programa utroška sredstava sa kriterijima raspodjele sredstava "Tekući transferi neprofitnim organizacijama - Transfer za obilježavanje značajnih datuma" utvrđenog Budžetom Federacije Bosne i Hercegovine za 2024. godinu („Službene novine Federacije BiH“, broj 27/24), Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata objavljuje

JAVNI POZIV

za podnošenje prijava za ostvarivanje prava na dodjelu sredstava iz Budžeta Federacije BiH za 2024. godinu – „Tekući transferi neprofitnim organizacijama - Transfer za obilježavanje značajnih datuma”

I.

Predmet Javnog poziva je sufinansiranje manifestacija povodom obilježavanja značajnih datuma, događaja i ličnosti iz perioda odbrambeno-oslobodilačkog rata.

II.

Prijave za sufinansiranje manifestacija povodom obilježavanja značajnih datuma, događaja i ličnosti iz perioda odbrambeno-oslobodilačkog rata mogu podnijeti kantonalna ministarstva/uprave nadležne za boračko-invalidsku zaštitu, Službe za boračka pitanja Brčko distrikta Bosne i Hercegovine, udruženja, i organizacije proizašle iz odbrambeno-oslobodilačkog rata, SABNOR, organizacije Armije R BiH i HVO koje su registrirane u RS i vjerske institucije koje obilježavaju značajne datume, događaje i ličnosti iz odbrambeno-oslobodilačkog rata.

Prijavu je potrebno obrazložiti, u smislu razloga podrške projekata/programa (historijski, finansijski i sl.). Sredstva će se dodjeljivati na osnovu Javnog poziva, jednokratno.

III.

Pravo učešća po ovom javnom pozivu nemaju podnosioci prijava iz tačke II. ovog javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV.

Prijedlog raspodjele i isplate namjenskih sredstava po ovom javnom pozivu vršit će se u skladu sa općim i posebnim kriterijima.

V.

Kriteriji za odobrenje sredstava za sufinansiranje programa/projekata za obilježavanje značajnih datuma su:

- 1.) značaj programa za širu društvenu zajednicu državnog, federalnog (iznimno kantonalnog ili općinskog) nivoa;
- 2.) broj korisnika predviđenih kroz program;
- 3.) vrijednost programa prema projektu i prijavi;
- 4.) učešće vlastitih sredstava;

- 5.) kontinuiranost u održavanju tradicije svake godine;
- 6.) iznos sredstava za aplicirani projekat/program ili obezbjeđenje sredstava iz drugih izvora;
- 7.) usvojen program/projekat i izvještaj obilježavanja značajnih datuma, događaja i ličnosti od strane nadležnih tijela podnosioca prijave.

Federalno ministarstvo će na prijedlog Komisije posebnim aktom utvrditi mjerljive potkriterije iz tačke V. (1. – 7.) Javnog poziva.

Sredstva za sufinansiranje manifestacija povodom obilježavanja značajnih datuma, događaja i ličnosti iz perioda odbrambeno-oslobodilačkog rata odobrvat će se pravnim licima i to: kantonalna ministarstva/uprave nadležne za boračko-invalidsku zaštitu, službe za boračka pitanja odbrambeno-oslobodilačkog rata, SABNOR, udruženja, organizacije Armije R BiH i HVO koje su registrovane u RS i vjerske institucije koje obilježavaju značajne datume, događaje i ličnosti iz odbrambeno-oslobodilačkog rata, u ukupnom iznosu od **420.000,00 KM (slovima: četiristotinedvadesethiljada i 00/100 KM)**.

Iznos po ovom transferu od **80.000,00 KM (slovima: osamdesethiljada i 00/100 KM)**, odobrvat će rukovodilac organa uprave tokom 2024. godine za one programe/projekte za koje će se koristiti kao potpora programima i projektima za hitne i nepredviđene slučajeve koji nisu obuhvaćeni Javnim pozivom.

VI.

Prijave po Javnom pozivu za odabir programa/projekata iz oblasti boračko-invalidske zaštite u 2024. godini, iz tačke II. ovog javnog poziva, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata (u daljem tekstu: Federalno ministarstvo), na adresu: Hamdije Čemerlića br. 2, 71000 Sarajevo, sa naznakom Javni poziv za podnošenje prijave za ostvarivanje prava na dodjelu sredstava Budžeta Federacije BiH za 2024. – „Tekući transferi neprofitnim organizacijama - Transfer za obilježavanje značajnih datuma”.

Prijave će se podnositi Federalnom ministarstvu u roku od 15 dana od dana objavljivanja Javnog poziva u dnevnim novinama.

VII.

Aplikacioni formulari i Javni poziv će biti objavljeni i mogu se preuzeti sa web stranice Ministarstva (www.fmbi.gov.ba).

Nepotpune i neblagovremene prijave i programi neće se uzimati u razmatranje.

Federalno ministarstvo nema obavezu vraćati predatu dokumentaciju aplikantima.

VIII.

Prijava na javni poziv vrši se uz dostavljanje sljedeće dokumentacije (**original ili ovjerene kopije**):

1. Aplikacioni formular (prijava, obrazac 1, obrazac 2);
2. Rješenje o registraciji;
3. Uvjerenje o poreznoj registraciji (identifikacioni broj);
4. Uvjerenje nadležne Porezne uprave o izmirenim obavezama prema javnim prihodima (ne starije od 30 dana);
5. Ugovor s bankom ili potvrda od banke iz koje se vidi ko je vlasnik transakcijskog/tekućeg računa;
6. Detaljno opisan projekat ili program za koji se traži sufinansiranje;
7. Finansijski plan projekta ili programa za 2024. godinu s izvorima prihoda i očekivanim rashodima koji je usvojen na skupštini/saboru;
8. Izjavu da je dostavljen izvještaj o utrošku sredstava za projekte/programme koji su dobili finansijsku podršku ovog ministarstva u 2023. godini.

9. Potvrda o sufinansiranju programa/projekata (niži nivoi organizovanja, općinske i kantonalne organizacije, savezi, udruženja), pored navedene dokumentacije dostavljaju dokaz o sufinansiranju navedenog programa od strane višeg organa - kanton, kantonalne organizacije, federalni savezi, organizacije, udruženja, ukoliko se program/projekat sufinansira od strane navedenih organa.

MINISTAR

Nedžad Lokmić



Broj: 01-37/2 -1455/24
Sarajevo, 19.04.2024. godine